



Universitätsbibliothek Paderborn

**Concordia. Pia Et Vnanimi Consensv repetita Confessio
fidei & doctrinæ Electorvm, Principvm Et Ordinvm Imperii,
atq[ue] eorundem Theologorum, qui Augustanam
Confessionem amplectuntur**

Lipsiæ, 1606

Quid sit fides iustificans.

urn:nbn:de:hbz:466:1-35443

perfectionem nostram, Sed promissio offert nobis opressis peccato & morte gratis reconciliationem propter Christum, quæ accipitur non operibus, sed fide. Hæc fides non affert ad Deum fiduciam proprium meritorum, sed tantum fiduciam promissionis seu promissæ misericordiæ in Christo. Hæc igitur fides specialis, qua credit unusquisque sibi remitti peccata propter Christum & Deum placatuni & propicius esse propter Christum, consequitur remissionem peccatorum, & iustificat nos, & quia in pœnitentia habet, in terroribus consolatur & erigit corda, regeneros, & affert Spiritum sanctum, ut deinde legem dominum facere possimus, videlicet, diligere Deum, verè time Deum, verè statuere, quod Deus exaudiat, obediens Deo in omnibus afflictionibus, mortificat concupiscentiam, &c.

Ita fides, quæ gratis accipit remissionem peccatorum, quia opponit mediatorem & propiciatorem Christum iræ Dei, non opponit nostra merita, aut dilectionem nostram, quæ fides est vera cognitio Christi, & virtutis beneficij Christi, & regenerat corda, præcedit legis impletionem. Et de hac fide nulla laba extat in doctrina aduersariorum nostrorum. Prinde reprehendimus aduersarios, quod tantum tradunt iustitiam legis, non tradunt iustitiam Euangeli, quod prædicat iustitiam fidei in Christum.

Quid sit fides iustificans.

Adversarij tantum fingunt, fidem esse notitiam historiæ, ideoq; docent eam cum peccato mortali posse existere. Nil igitur loquuntur de de, qua Paulus toties dicit homines iustificari, qui qui reputantur iusti coram Deo, non versantur in peccato mortali. Sed illa fides, quæ iustificat, non est tantum notitia historiæ, sed est assentiri promissioni Dei.

in qua gratis propter Christum offertur remissio peccatorum & iustificatio. Et ne quis suspicetur, tantum noticiam esse, addemus amplius, est velle & accipere oblatam promissionem remissionis peccatorum & iustificationis.

Ac facilè potest cerni discriminem inter hanc fidem, & inter iustitiam legis. Fides est *λατρεία*, quæ accipit à Deo oblata beneficia: Iustitia legis est *λατρεία*, quæ offert Deo nostra merita. Fide sic vult coli Deus, ut ab ipso accipiamus ea, quæ promittit & offert.

Quòd autem fides significet non tantum historię notitiam, sed illam fidem, quæ absentitur promissioni, apertè testatur Paulus, qui ait: Iustitiam ideo ex fide esse, ut sit firma promissio. Sentit enim promissionem non posse accipi, nisi fide. Quare inter se correlarię comparat & connectit promissionem & fidem. Quanquam facile erit iudicare, quid sit fides, si symbolum consideremus, ubi certè ponitur hic articulus, Remissionem peccatorum. Itaq; non satis est credere, quòd Christus natus, passus, resuscitatus sit, nisi addimus & hunc articulum, qui est causa finalis historię, Remissionem peccatorum. Ad hunc articulum referri cætera oportet, quòd videlicet propter Christū, non propter nostra merita donetur nobis remissio peccatorum. Quid enim opus erat Christū dari pro peccatis nostris, si nostra merita pro peccatis nostris possunt satisfacere.

Quocies igitur de fide iustificante loquimur, sciendum est, hæc tria obiecta concurrere, promissionem, & quidem gratuitam, & merita Christi tanquā precium & propitiacionem. Promissio accipitur fide, gratuitum excludit nostra merita, & significat tantum per misericordiam offerri beneficium, Christi merita sunt precium, quia oportet esse aliquam certam propiciacionem pro peccatis nostris. Scriptura crebro misericordiam implorat. Et S. Patres lèpè dicunt, nos per mis-

ricordiam faluari. Quoties igitur fit mentio misericordie, sciendum est, quod fides ibi requiratur, quae promissionem misericordiae accipit. Et rursus quoties inde fide loquitur, intelligi volumus obiectum, scilicet misericordiam promissam. Nam fides non ideo iustificat, aut saluat, quia ipsa sit opus per se dignum, tantum quia accipit misericordiam promissam.

Et hic cultus, haec λατρεία, in Prophetis & Psalmis passim præcipue laudatur, cum tamen lex non docet gratuitam remissionem peccatorum. Sed Patres nostra promissionem de Christo, quod Deus propter Christum veller remittere peccata. Igitur cum intelligeret, Christum fore precium pro nostris peccatis, sciebant operes nostra non esse precium rei tantæ. Ideo gratuitam misericordiam & remissionem peccatorum fide accipiebant, sicut sancti in novo testamento. Huc pertinet illa crebre repetitiones misericordiae & fidei in Psalmis Prophetis, ut hic: Si iniquitates obseruaueris Domine, Domine quis sustinebit? Hic confitetur peccatum nec allegat merita sua. Addit: Quia apud te propitiatione est. Hic erigit se fiducia misericordiae Dei. Et in promissione: Sustinuit anima mea in verbo eius. Sustinuit anima mea in Domino, id est, quia promissionis missione peccatorum, hac tua promissione sustentato. Itaque & Patres iustificabantur, non per legem, sed per promissionem & fidem. Ac mirum est aduersarios ad extenuare fidem, cum videant ubique pro præcipue cultu laudari, ut Psal. 49. Inuoca me in die tribulationis, & eripiā te. Ita vult innotescere Deus, ita vult se colligi, ut ab ipso accipiamus beneficia, & quidē accipiamus propter ipsius misericordiam, non propter merita nostra. Haec est amplissima consolatio in omnibus afflictionibus. Et huiusmodi consolationes abuent aduersarij, cum fidem extenuant, & vituperant, & tandem docent homines per opera & merita cum Deo agere.